

## К ОПУБЛИКОВАНИЮ

### КОМИ РЕСПУБЛИКАСА ЮРАЛЫСЬЛӨН ИНДӨД

**«Коми Республикаын наградаяс да ошкӧмъяс йылысь»  
Коми Республикаса Оланпас збыльмӧдан мераяс йылысь»  
Коми Республикаса Юралысьлӧн 2022 во урасьӧм тӧлысь  
9 лунся 12 №-а Индӧдӧ вежсьӧмъяс пыртӧм йылысь**

Шуа:

1. Пыртны «Коми Республикаын наградаяс да ошкӧмъяс йылысь»  
Коми Республикаса Оланпас збыльмӧдан мераяс йылысь» Коми  
Республикаса Юралысьлӧн 2022 во урасьӧм тӧлысь 9 лунся 12 №-а Индӧдӧ  
вежсьӧмъяс содтӧд серти.

2. Тайӧ Индӧдыс вынсялӧ сійӧс официальнойӧ публикуйтан лунсянь  
дас лун кольӧм бӧрын.

Коми Республикаса Юралысь

В. Уйба

Сыктывкар  
2023 вося сора тӧлысь 4 лун  
68 №

Коми Республикаса Юралысьлөн  
2023 во сора тöлысь 4 лунся 68 №-а Индöд дорö  
СОДТÖД

«Коми Республикаын наградаяс да ошкöмъяс йылысь»  
Коми Республикаса Оланпас збыльмöдан мераяс йылысь»  
Коми Республикаса Юралысьлөн  
2022 во урасьöм тöлысь 9 лунся 12 №-а Индöдö пыртöм  
**ВЕЖСЬÖМЪЯС**

«Коми Республикаын наградаяс да ошкöмъяс йылысь» Коми Республикаса Оланпас збыльмöдан мераяс йылысь» Коми Республикаса Юралысьлөн 2022 во урасьöм тöлысь 9 лунся 12 №-а Индöдын:

1. 1 пунктын:

1) содтыны татшöм сюрöса 1<sup>1</sup> пунктув:

«1<sup>1</sup>) Коми Республикаса геройлысь Коми Республикаса медвылыс почёт ним сетан пöрадоксö да условиеяссö 1<sup>1</sup> №-а содтöд серти;»;

2) содтыны татшöм сюрöса 10<sup>1</sup> пунктув:

«10<sup>1</sup>) «Коми Республикаса герой» морöсвывса паслысь образецö да сийöс опишитöмсö да Коми Республикаса геройлысь Коми Республикаса медвылыс почёт ним сетöм йылысь эскöданпаслысь образецö 10<sup>1</sup> №-а содтöд серти;».

2. Содтыны тайö вежсьöмъяс дорö 1 да 2 содтöдъяс серти 1<sup>1</sup> №-а да 10<sup>1</sup> №-а содтöдъяс.

3. Коми Республикаса уджвывса геройлысь Коми Республикаса медвылыс почёт ним сетан пöрадокын да условиеясын, кутшöмъясöс вынсьöдöма Индöдөн (2 №-а содтöд):

10 пунктса 2 пунктув киритны.

4. «Могъяс дыр кад чöж бура олöмö пöртöмысь» Коми Республикаса медаль сетан пöрадокын да условиеясын, кутшöмъясöс вынсьöдöма Индöдөн (3<sup>1</sup> №-а содтöд):

5 да 6 пунктъяс гижны тадзи:

«5. Награда сетны вöзйысьяс сетöны медаль сетны вöзйöмсö (Коми Республикаса Юралысьлөн ним вылö письмöөн) наградной листсö содтöмөн (водзö – наградной документъяс) Коми Республикаса Юралысьлөн Администрацияö (водзö – Администрация).

6. Коми Республикаса Юралысь ачыс вермö вöзйыны медаль сетöм йылысь юалöмсö. Та дырйи наградной документъяссö оформитны оз ков.

Тайö пунктын индöм вöзйöмсö оформитöны Коми Республикаса Юралысьлөн резолюцияөн, кытчö пыртöны медаль сетны вöзйöм морт йылысь тöдмөгъяс да индöм мортлы медаль сетны вöзйöмсö дженьыда подулалöм.».

5. Коми Республикаса Юралысьлөн дипломөн, Коми Республикаса Юралысьлөн дона козинён, Коми Республикаса Юралысьлөн аттьöалöмөн

ошкан пöрадокын да условиясын, кутшöмъясöс вынсьöдöма Индöдөн (7 №-а содтöд):

11 пункт гижны тадзи:

«11. Коми Республикаса Юралысь ачыс вермö вöзйыны ошкöм йылысь юалöмсö. Та дырйи награднöй документъяссö оформитны оз ков.

Тайö пунктын индöм вöзйöмсö оформитöны Коми Республикаса Юралысьлөн резолюцияөн, кытчö пыртöны ошкыны вöзйöм морт, юридическöй кывкутысь (уджалысьяс) йылысь тöдмөгъяс да индöм мортöс, юридическöй кывкутысьöс (уджалысьясöс) ошкыны вöзйöмсö дженьыда подулалöм.»

6. Коми Республикаса Юралысьлөн награднöй плакеткаөн ошкан пöрадокын да условиясын, кутшöмъясöс вынсьöдöма Индöдөн (8 №-а содтöд):

6 пунктö содтыны татшöм сюрöса абзац:

«Тайö пунктын индöм вöзйöмсö оформитöны Коми Республикаса Юралысьлөн резолюцияөн, кытчö пыртöны тайö Пöрадоклөн да условияслөн 5 пунктын индöм тöдмөгъяс.»

7. Коми Республикаса почёт грамоталысь образецсö, кутшöмöс вынсьöдöма Индöдөн (15 №-а содтöд), гижны тайö вежсьöмъяс дорö 3 содтöд серти.

«Коми Республикаын наградаяс да  
ошкӧмьяс йылысь»  
Коми Республикаса Оланпас  
збыльмӧдан мераяс йылысь»  
Коми Республикаса Юралысьлӧн  
2022 во урасьӧм тӧлысь 9 лунся 12 №-а  
Индӧдӧ пыртӧм вежсьӧмьяс дорӧ  
1 СОДТӦД

«ВЫНСЬӦДӦМА  
Коми Республикаса Юралысьлӧн  
2022 во урасьӧм тӧлысь 9 лунся 12 №-а Индӧдӧн  
(1<sup>1</sup> №-а содтӧд)

Коми Республикаса геройлысь  
Коми Республикаса медвылыс почёт ним сетан  
**ПӦРАДОК ДА УСЛОВИЕЯС**

1. Тайӧ Пӧрадокыс да условиясыс ладмӧдӧны Коми Республикаса геройлысь Коми Республикаса медвылыс почёт ним сетӧмкӧд йитчӧм юалӧмьяссӧ (водзӧ – Коми Республикаса геройлӧн ним).

2. Коми Республикаса геройлысь нимсӧ вӧзйӧны сетны Коми Республикаын муниципальнӧй районлӧн, муниципальнӧй кытшлӧн либӧ кар кытшлӧн меставывса асвеськӧдлан органьяс, Коми Республикаса канму власьт органьяс, федеральнӧй канму власьт органьяс (налӧн мутас органьяс), Коми Республикаса мукӧд канму орган (водзӧ – награда сетны вӧзйысьяс).

3. Йӧзлы, кодьяслӧн эмӧсь вештытӧм дисциплинарнӧя мыждӧмьяс, либӧ кодьяслӧн эм вештытӧм либӧ бырӧдтӧм судимосьт, либӧ кодьяс серти панӧма уголовнӧй делӧ либӧ нуӧдсьӧ служебнӧй прӧверка, Коми Республикаса геройлысь нимсӧ сетны оз вӧзйыны.

4. Награда сетны вӧзйысь оформитӧ йӧзлы, кодьяслы вӧзйӧны сетны Коми Республикаса геройлысь ним, награда сетны (ошкыны) вӧзьян награднӧй листсӧ «Коми Республикаын наградаяс да ошкӧмьяс йылысь» Коми Республикаса Оланпас збыльмӧдан мераяс йылысь» Коми Республикаса Юралысьлӧн 2022 во урасьӧм тӧлысь 9 лунся 12 №-а Индӧд дорӧ 26 №-а содтӧдын индӧм 1 №-а форма серти (водзӧ – награднӧй лист). Награднӧй листсӧ гижӧны печатнӧя, сэнӧ оз позь вӧчны торксьылӧмьяс да веськӧдӧмьяс.

Награднӧй листын мортлӧн характеристикаын, кодлы вӧзйӧны сетны Коми Республикаса геройлысь нимсӧ, петкӧдлӧны индӧм мортлӧн вӧчӧмтор йылысь тӧдмӧгьяссӧ, сійӧс вӧчӧмкӧд йитчӧм ас заслугаяссӧ, сы лыдын сійӧс вӧчигӧн петкӧдлӧм повтӧмлун, смеллун, збойлун йылысь, кутшӧмьяс сетӧны позянлун пыртны индӧм вӧчӧмторсӧ геройскӧй подвиг лыдӧ.

Награда сетны вöзйысьяс асьныс кывкутöны награднöй листын гижöм тöдмөгъяслөн стöчлун да збыльлун вöсна.

5. Награда сетны вöзйысьяс сетöны Коми Республикаса геройлысь ним сетны вöзйöмсö (Коми Республикаса Юралысьлөн ним вылö письмöөн) награднöй лист содтöмөн (водзö – награднöй документъяс) Коми Республикаса Юралысьлөн Администрацияö (водзö – Администрация).

6. Коми Республикаса Юралысь ачыс вермö вöзйыны Коми Республикаса геройлысь ним сетöм йылысь юалöмсö. Сэк, кор Коми Республикаса геройлысь ним сетöм йылысь юалöмсö вöзйöма Коми Республикаса Юралысь, награднöй документъяссö оформитны оз ков.

Тайö пунктын индöм вöзйöмсö оформитöны Коми Республикаса Юралысьлөн резолюцияөн, кытчö пыртöны Коми Республикаса геройлысь ним сетны вöзйöм морт йылысь тöдмөгъяс да индöм мортлы Коми Республикаса герой ним сетны вöзйöмсö дженъыда подулалöм.

7. Администрация видлалö награднöй документъяссö налөн воан лунсянь 20 лун чöжөн.

8. Награднöй документъяс видлалöм бöрын Администрация тайö Пöрадоклөн да условиеяслөн 7 пунктын индöм кадколастö бөр сетö награднöй документъяссö награда сетны вöзйысьлы бөр сетан помкаяссö индöмөн сэк, кор:

1) урчитöма, мый Коми Республикаса геройлысь нимсö сетны вöзйöм мортлөн награднöй документъясын тöдмөгъясыс абу стöчöсь;

2) награднöй документъясыс оз лöсявны тайö Пöрадоклөн да условиеяслөн 4 пунктса корöмъяслы;

3) Коми Республикаса геройлысь ним сетны вöзйöм мортлөн эмöсь вештытöм дисциплинарнöя мыждöмъяс либö вештытöм либö бырöдтöм судимосът, либö сы серти панöма уголовнöй делö либö служебнöй прöверка.

9. Награда сетны вöзйысь вермö выль пöв сетны Администрацияö награднöй документъяссö тайö Пöрадоклөн да условиеяслөн 8 пунктса 1 да 2 пунктувъясын индöм найöс бергöдан помкаяссö бырöдöм бöрын.

10. Сэк, кор Администрацияын награднöй документъяс видлалан периодö вежсьöны Коми Республикаса геройлысь ним сетны вöзйöм мортлөн биографиякöд йитчöм тöдмөгъясыс (мöд чинö индöм, уджысь мездöм, ов вежöм, оланін вежöм, сылөн кувсьöм да мукöдтор), а сіджö сэк, кор тайö мортлы индöма дисциплинарнöя мыждöм либö сы серти панöма уголовнöй делö либö служебнöй прöверка, награда сетны вöзйысьлы дзик пыр колö гижöмөн юөртны та йылысь Администрацияö (письмö, факсимильнöй юөр да мукöдтор) тайö пунктын индöм лоөмторъяссö эскöдысь документъяс сетöмөн.

11. Сэк, кор тайö Пöрадоклөн да условиеяслөн 8 пунктөн урчитöм награднöй документъяс бөр сетан помкаясыс абуöсь, Коми Республикаса Юралысьлөн найöс видлавтöдз награднöй документъяссö видлалö Коми Республикаса наградаяс серти комиссия (водзö – Комиссия)

Администрацияӧ налӧн воан лунсянь 60 лун чӧжӧн Коми Республикаса наградаяс серти комиссия йылысь положениеӧн урчитӧм пӧрадокын, кутшӧмӧс вынсьӧдӧма «Коми Республикаса наградаяс серти комиссия да Коми Республикаса Юралысьлысь ӧткымын индӧд вынтӧмӧн лыддьӧм йылысь» Коми Республикаса Юралысьлӧн 2019 во тӧвшӧр тӧлысь 31 лунся 6 №-а Индӧдӧн (2 №-а содтӧд) (водзӧ – Комиссия йылысь положение).

12. Комиссия видлалӧ Коми Республикаса геройлысь ним сетӧмкӧд йитчӧм юалӧмьяссӧ, кутшӧмьясӧс вӧзйис Коми Республикаса Юралысь, Коми Республикаса Юралысьӧн тшӧктан лунсянь 60 лун чӧжӧн Комиссия йылысь положениеӧн урчитӧм пӧрадокын.

13. Комиссия примитӧ мортлы Коми Республикаса геройлысь ним сетӧм йылысь либӧ награда сикассӧ вежӧм йылысь, кутшӧмӧс вӧзйӧма сетны мортлы, либӧ Коми Республикаса геройлысь ним сетны вӧзйӧмын ӧткажитӧм йылысь Коми Республикаса Юралысьлы вӧзйӧм йылысь подулалӧм помшуӧм. Комиссиялысь тайӧ пунктын индӧм помшуӧмьяссӧ оформитӧны Комиссияса заседаниелӧн сӧрнигижӧдӧн.

14. Сӧк, кор Комиссия примитӧ Коми Республикаса геройлысь ним сетӧм либӧ награда сикассӧ вежӧм йылысь помшуӧм, кутшӧмӧс вӧзйӧма сетны мортлы, Комиссияса заседаниелӧн сӧрнигижӧд подув вылын Комиссияса секретар дасьтӧ Коми Республикаса Юралысьлысь лӧсялана индӧд бала либӧ Коми Республикаса Юралысьлысь тшӧктӧм бала (награда либӧ ошкӧм сикаскӧд йитӧдын), кутшӧмӧс Комиссияӧн веськӧдлысь сетӧ Коми Республикаса Юралысьлы видлалӧм вылӧ Коми Республикаса Юралысьлӧн Уджаланарт серти.

15. Сӧк, кор Комиссия примитӧ Коми Республикаса геройлысь ним сетны вӧзйӧмын ӧткажитӧм йылысь помшуӧм, Администрация татшӧм помшуӧм примитан лунсянь 14 лун чӧжӧн гижӧмӧн юӧртӧ та йылысь награда сетны вӧзйысьлы ӧткажитан помкаяссӧ индӧмӧн да бӧр сетӧ награднӧй документъяссӧ.

16. Коми Республикаса геройлысь ним сетӧм йылысь йӧзӧдӧны Коми Республикаса Юралысьлысь индӧд, кутшӧмӧс колӧ официальнойӧ публикуйтны.

17. «Коми Республикаса герой» морӧсыввса пас да Коми Республикаса геройлысь ним сетӧм йылысь эскӧданпассӧ (водзӧ – Коми Республикаса геройлысь ним сетӧм йылысь документъяс) кыпыда сетӧ Коми Республикаса Юралысь либӧ сылӧн тшӧктӧм серти да сылӧн нимсянь мӧд морт награда сетӧм мортлы аслыс Коми Республикаса Юралысьлысь индӧд йӧзӧдан лунсянь 60 лунысь оз сӧрджык.

Сӧк, кор Коми Республикаса геройлысь ним сетӧм йылысь документъяссӧ тайӧ пунктса медводдза абзацын индӧм кадколастӧ сетны позянлуныс абу, йӧз, кодъяслы тшӧктӧма сетны Коми Республикаса геройлысь ним сетӧм йылысь документъяссӧ тайӧ пунктса медводдза абзацын индӧм кадколаст помаян лун бӧрын мунысь лунсянь 10 лун чӧжӧн бӧр сетӧны найӧс Администрацияӧ помкаяссӧ индӧдӧмӧн, кутшӧмьяс вӧсна эз збыльмӧдны тшӧктӧмсӧ.

Сэк, кор Коми Республикаса геройлысь нимсö сетöны мортлөн кувсьöм бöрын, Коми Республикаса геройлысь нимсö сетöм йылысь документъяссö кыпыда сетöны мортлөн, кодлы наградасö сетöма кувсьöм бöрын, наследникъяслы.

18. Коми Республикаса геройлысь ним сетöм йылысь документъяс сетöм йылысь лöсьöдöны Коми Республикаса канму (мукöд) награда сетан сёрнигижöд «Коми Республикаын наградаяс да ошкöмъяс йылысь» Коми Республикаса Оланпас збыльмöдан мераяс йылысь» Коми Республикаса Юралысьлөн 2022 во урасьöм тöлысь 9 лунся 12 №-а Индöдлөн 27 №-а содтöдын индöм форма серти.

Сёрнигижöдсö кырымалö Коми Республикаса геройлысь ним сетöм йылысь документъяс сетысь морт, сійöс вынсьöдöны печатьöн да кырымалан лунсянь 7 лун чöжөн ыстöны Администрацияö.

19. Сэк, кор Коми Республикаса геройлысь ним сетöм вылö мортöс вöзйöм могысь пыртöм наградной документъясын аддзöма, мый тöдмөгъясыс абу збыльöсь, кутшöмъяс вöсна награда сетны вöзйöмыс лои подулавтöм, Коми Республикаса Юралысь Комиссиялөн подулалöм вöзйöм подув вылын лэдзö тайö морт серти Коми Республикаса геройлысь ним сетöм йылысь Коми Республикаса Юралысьлысь индöд дугöдöм йылысь (Коми Республикаса Юралысьлөн индöдö вежсьöм пыртöм йылысь) индöд.

«Коми Республикаса герой» морöсвывса пассö да Коми Республикаса герой ним сетöм йылысь эскöданпассö, кутшöмъясöс сетöмаöсь мортлы, код серти лэдзöма награда сетöмсö дугöдöм йылысь Коми Республикаса Юралысьлысь помшүöм, колö бөр сетны Комиссияö.

20. «Коми Республикаса герой» морöсвывса пас да (либö) Коми Республикаса геройлысь ним сетöм йылысь эскöданпас воштiгөн Коми Республикаса геройлысь ним сетöм йылысь документъяссö бөр оз лöсьöдны. Та дырйи мортлы, кодлы сетöма Коми Республикаса геройлысь нимсö, сылөн аслас заявление подув вылын, кöни индöма Коми Республикаса геройлысь ним сетöм йылысь документъяс воштан помкаяссö, Комиссияö татшöм заявление воан лунсянь 30 лун чöжөн Комиссия сетö Комиссияөн урчитöм образец серти Коми Республикаса геройлысь ним сетöм йылысь справка.

21. Пырджык Коми Республикаса геройлысь нимсö сетöны вонас 3-ысь абу унджык мортлы.

22. Коми Республикаса геройлысь нимсö сетöны лöсяна финансöвöй во да планöвöй период вылö Коми Республикаса республиканскöй сьöмкуд сьöм тшöт весьтö.».

«Коми Республикаын наградаяс да  
ошкӧмъяс йылысь»  
Коми Республикаса Оланпас  
збыльмӧдан мераяс йылысь»  
Коми Республикаса Юралысьлӧн  
2022 во урасьӧм тӧлысь 9 лунся 12 №-а  
Индӧдӧ пыртӧм вежсьӧмъяс дорӧ  
2 СОДТӦД

«ВЫНСЬӦДӦМА  
Коми Республикаса Юралысьлӧн  
2022 во урасьӧм тӧлысь 9 лунся 12 №-а Индӧдӧн  
(10<sup>1</sup> №-а содтӧд)

«Коми Республикаса герой» морӧсвивса паслӧн  
**ОБРАЗЕЦ ДА СӢӦС ОПИШИТӦМ**  
да Коми Республикаса геройлысь Коми Республикаса  
медвылыс почёт ним сетӧм йылысь эскӧданпаслӧн образец

I. «Коми Республикаса герой» морӧсвивса паслӧн образец



II. «Коми Республикаса герой» морӧсвивса пас опишитӧм

Морӧсвивса пас – зарниӧдӧм эзысьысь кык бока шылъыд югӧрьяса вит пома кодзув. Югӧр ӧти боклӧн кузътаыс ортсыса визьӧд 15 мм. Бӧрладорас кодзувлӧн вылыс юкӧнын меститчӧ щиттӧг Коми Республикаса канму канпаслӧн стилизуйтӧм серпасыс, канпаслӧн серпас улын кык стрӧкаӧн меститчӧ рельефнӧй гижӧд, кутшӧмӧс вӧчӧма веськыд шыпасъясӧн: «Герой Республики Коми». Гижӧд улын – медальлӧн номер.

Морӧсвивса пасыс пысасьӧ пыс да кольча отсӧгӧн 17 мм пасъта сюра шӧвк лентаӧн 23 x 17 мм ыджда веськыд пельӧсьяса тас дорӧ, кӧни сувтса визъясӧн меститчӧны Коми Республикаса канму дӧрапас рӧмъяс (лӧз, турунвиж, еджыд). Лентаыс пысасьӧ тас дорӧ розъяса водса пысьяс




отсөгөн. Уліас улыс пыслөн став кузьта ногыс меститöма лавр увьяс,  
кутшöмьясöс вожьяс дорöдыс йитöма лентаөн.

Пысыс – безопаснöй булавка.

Быд пас пуктöма пуысь футлярö.

III. Коми Республикаса геройлысь Коми Республикаса  
медвылыс почёт ним сетöм йылысь эскöданпаслөн образец

1. Эскöданпаслөн бан  
(ыдждаыс 150 мм x 105 мм, рöмыс – пемыдгöрд,  
гижöдыс и канпасыс зарни рöмаöсь)



2. Эскöданпаслөн пытшкöсса шуйга да веськыд бокьяс

КОМИ РЕСПУБЛИКАЛӦН ГЕРОЙЛЫСЬ  
Коми Республикаса медвылыс почёт ним

высшее почётное звание Республики Коми  
ГЕРОЯ РЕСПУБЛИКИ КОМИ

сетӧма

присвоено

Коми Республикаса  
Юралысь  
п.м.

Глава  
Республики Коми  
м.п.

Коми Республикаса Юралысьлӧн  
202\_\_ во \_\_\_\_\_ дунся  
\_\_\_\_\_ №-а Индӧд

Указ Главы Республики Коми  
от \_\_\_\_\_, 202\_\_ г.  
№ \_\_\_\_\_

».

«Коми Республикаын наградаяс да  
ошкӧмъяс йылысь»  
Коми Республикаса Оланпас  
збыльмӧдан мераяс йылысь»  
Коми Республикаса Юралысьлӧн  
2022 во урасьӧм тӧлысь 9 лунся 12 №-а  
Индӧдӧ пыртӧм вежсьӧмъяс дорӧ  
3 СОДТӦД

«ВЫНСЬӦДӦМА  
Коми Республикаса Юралысьлӧн  
2022 во урасьӧм тӧлысь 9 лунся 12 №-а Индӧдӧн  
(15 №-а содтӧд)

Коми Республикаса почёт грамоталӧн  
**ОБРАЗЕЦ**

(ыдждаыс 29,7 см х 42 см, пуктӧны рамкаӧ стеклӧ улӧ)

